

TULAFONO TAU FAAOFI O TEUTEUGA O LE TULAFONO O LE PULEGA O TAULAGA 2022

SAMOA

Faamatalaga e Faamalamalama ai


1.0 Sini ma mafuaaga:

- 1.1 O lenei Tulafono Tau Faaofi e teuteuina ai le Tulafono o le Pulega o Taulaga 1998 (“Tulafono autu”).
- 1.2 O le sini o lenei Tulafono Tau Faaofi ina ia mafai ai ona faasee atu le Taulaga i Mulifanua ma le Taulaga i Salelologa mai le Faalapotopotoga o Vaa a Samoa (“Faalapotopotoga”) i le Pulega o Taulaga a Samoa (“o le Pulega”).

2.0 Fuaiupu:

- Fuaiupu 1:** - ua aiaia ai mo le igoa puupuu ma le amataga. O lenei Tulafono e amata faamamaluina i le aso 1 o Oketopa 2022.
- Fuaiupu 2:** - ua teuteuina ai le fuaiupu 17 o le Tulafono autu e ala i le soloia o le faafuaiupu (4) ina ia mafai ai ona faasee atu fanua po o meatotino na umia e le Faalapotopotoga i lalo o le fuaiupu 17A o lo o i ai nei o le Tulafono autu ma ia faamatuu atu i le Pulega.
- Fuaiupu 3:** - ua soloia ai le fuaiupu 17A o le Tulafono autu ina ia mafai ai ona faamatuu atu le umiaina o le Taulaga i Mulifanua ma le Taulaga i Salelologa lea sa i ai i le Faalapotopotoga ina ia faasee atu i le Pulega.

- Fuaiupu 4:** - ua teuteuina ai le fuaiupu 64(1) o le Tulafono autu, ina ia aiaia ai mo malosiaga e faia ai tulafono faatonutonu mo le fesuiaiga ma le faasee atu o tagata faigaluega ma meatotino mai le Faalapotopotoga i le Pulega, ma so o se isi lava mataupu tau fesuiaiga ina ia aloaia ai le faasee atu o meatotino ma tagata faigaluega i lalo o lenei Tulafono Tau Faaofi.
- Fuaiupu 5:** - ua teuteuina ai le Faamatalaga 1 o le Tulafono autu ina ia faaofiina ai le Taulaga i Mulifanua ma le Taulaga i Salelologa i le lisi o taulaga ua taua i le Tulafono autu.
- Fuaiupu 6:** - ua aiaia ai mo aiaiga faasaoina ma aiaiga tau soloaiga ia aofia ai mataupu ia e ono aafia ma aliae mai ona o se taunuuga o nei teuteuga.



.....
(Hon OLO Fiti Afoa Vaai)

MINISITA O GALUEGA, FELAU AIGA
MA ATINAE ESEESE

**TULAFONO TAU FAAOFI O TEUTEUGA O LE
TULAFONO O LE PULEGA O TAULAGA 2022**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le fuaiupu 17
3. Ua soloia le fuaiupu 17A
4. Ua teuteuina le fuaiupu 64
5. Ua teuteuina le Faamatalaga 1
6. Aiaiga faasaoina ma aiaiga tau soloaiga

2022, Nu.

O SE TULAFONO TAU FAAOFI UA TAUA

**O SE TULAFONO e teuteuina ai le Tulafono o le Pulega o Taulaga 1998
("Tulafono autu").**

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

E mafai ona taua lenei Tulafono o le Tulafono o Teuteuga o le Tulafono o le Pulega o Taulaga 2022 ma e amata faamamaluina i le aso 1 o Oketopa 2022.

2. Ua teuteuina le fuaiupu 17:

Ua soloia le fuaiupu 17(4) o le Tulafono autu.

3. Ua soloia le fuaiupu 17A:

Ua soloia le fuaiupu 17A o le Tulafono autu.

4. Ua teuteuina le fuaiupu 64:

Ua teuteuina le fuaiupu 64(1) o le Tulafono autu e faapea:

- (a) i le tuanai ai o upu “alavaa e agai mai ai i totonu o le taulaga” ia aveese upu “ia tagofiaina so o se isi lava mataupu tau soloaiga ina ia aloaia ai le faaliliuina atu o meatotino i lalo o le fuaiupu 17A”; ma
- (b) i le faaiuga o le parakalafa (cc), ia suia le faailoga piriota i le faailoga “;”; ma
- (c) i le tuanai ai o le parakalafa (cc), ia faaofi se parakalafa (dd) fou e faapea:

“(dd) ia aiaia ai mo le fesuaiga ma le faasee atu o le afaigaluega ma meatotino mai le Faalapotopotoga o Vaa a Samoa i le Pulega ma so o se isi lava mataupu tau soloaiga e aloaia ai le faasee atu o meatotino ma tagata faigaluega i lalo o le Tulafono o Teuteuga o le Tulafono o le Pulega o Taulaga 2022.”.

5. Ua teuteuina le Faamatalaga 1:

Ua teuteuina le Faamatalaga 1 o le Tulafono autu e ala i le faaofiina o le faasologa o Taulaga i le pi faitau faa-Peretania e faapea:

“Taulaga o Mulifanua
Taulaga o Salelologa”.

6. Aiaiga faasaoina ma aiaiga tau soloaiga:

- (1) I le amata faamamaluina ai o lenei Tulafono, so o se tualumaga faaletulafono na amataina e le Faalapotopotoga o Vaa a Samoa (“Faalapotopotoga”) e fesootai i le Taulaga o Mulifanua po o le Taulaga o Salelologa (“o taulaga”) ua avea e faapea na amataina e le Pulega o Taulaga a Samoa (“Pulega”) ma faaauau e faapei ona amataina e le Pulega.
 - (2) I le amata faamamaluina ai o lenei Tulafono, o so o se malosiaga ua faatinoina e fesootai ma taulaga, ua avea e faapea ua faatinoina e le Pulega, po o le Pule Sili o le Pulega.
 - (3) I le amata faamamaluina ai o lenei Tulafono, so o se tagata faigaluega e leoina fale ma fanua, o tagata faigaluega e faamamaina fale po o nisi tagata faigaluega ua faatonuina ma faafaigaluegaina e le Faalapotopotoga e fesootai ma taulaga, ia faaauau pea o latou tofiga ma ua avea e faapea ua faafaigaluegaina pe faakonekarateina e le Pulega.
 - (4) O aitalafu uma, o noataga ma totogi e fesootai ma, po o e faatatau i taulaga a o lumanai ai le amata faamamaluina o lenei Tulafono o le a faatumauina pea lea i le Faalapotopotoga.
-